開放文學 - 推理探案 - 古今律條公案 第七卷 拐帶總類

王減刑斷拐帶人妾 廣東有一客人姓游名子華,本貫浙人,自祖父以來往廣東發賣機布,則本巨萬,即於本處討娶一妾王氏。子 華索性酗酒兇暴,妾少有一毫不中其意,遂即毒打,屢苦不勝。一日又遭毒打,王氏苦楚不勝,俟夜靜華睡之時,走出投井而死。 次日,子華不知其妾投井身死,乃出招貼,遍處黏之,其貼曰:某月某日夜走出一婦,姓王氏,年方二十一歲,面色粉白,身穿青 衫,下穿藍裙,小腳紅鞋。不知去向,倘有收得者,願出謝銀十兩,報信者謝銀五兩,決不食言。貼過數月,並無消息。子華討取 貨銀已畢,即收拾回浙矣。適有本府一人名林福者開一酒肉店,攢得數塊銀兩,娶一妻方氏名春蓮。豈知此婦情性淫濫,嘗與人偷 奸。福之父母審知其故;詳以語福。福懷怒氣,逐日打罵,凌辱不堪。春蓮乃偽怨其己之父母曰:「當初生我醜陋,何不將我淹 死?今嫁此等狠心丈夫,貪花好色,嫌我貌醜,書夜惱恨。輕則辱罵,重則鞭苔,料我不久終是死的。」父母乃勸其女曰:「既已 嫁他,只可低頭受忍,過得日子也罷,不可與之爭鬧。」其父母雖以好言撫慰,其女實恨林福為薄倖之徒矣。忽一日,春蓮早起開 門,忽有棍徒許達汲水經過其門,看見春蓮一人悄無人在,乃挑之曰:「春蓮,你今日起來這般早,你丈夫尚未起來,可到我家吃 一杯早湯。」春蓮曰:「你家有人乎?」許達曰:「並無一人,只我單身獨處。」春蓮性本淫濫,聞說家中無人,又思丈夫每日吵 鬧,遂跟許達同入門去。許達不勝歡喜,便開廚門,取果品與春蓮吃了,又將銀簪二根送與春蓮。遂掩上房門,即抱春蓮上牀交 媾,兩情綢繆,雲兩事訖。眾家俱起,不得回去,許達遂匿於家中,將門鎖上,達出街上做生意去了。直至黑晚回家,與春蓮取 樂。及林福起來,見妻子早起開門不見進來,亦意以此婦屢遭打罵,必逃走矣。乃遍處尋訪無蹤,亦寫尋人招貼,貼於各處。乃報 岳父、岳母方禮知之。禮大怒曰:「我女素來失愛,常在我面前說你屢屢打罵,痛恨失所。每欲自盡,我夫婦每每勸慰,故未即 死。今日必遭你打死,你把屍首埋絕,故詐言他逃走來哄我耳。必告之於官,為女伸冤,方消此恨。」即具狀詞,告於本縣湯公台

告狀人方禮,係本縣民,告為殺命匿屍事。身女方春蓮,憑媒嫁與林福為妻。豈料福性貪淫,嫌女貌陋,更恨奩薄,誣捏污穢,日加打罵,凌辱不堪。今因某月某日仍觸惡性,登時打死。懼罪難逭,將屍埋滅,捏稱逃走。痛思人煙輳密,滿路豈無人見?女步艱涉,數日豈無信音?明係殺匿。懇天鞫究,追死驗傷,正法填命。哀哀上告。

湯公准其狀詞,即發牌拘拿林福。林福急急具訴詞赴縣訴曰:

訴狀人林福,係本縣民,訴為縱淫誣害事。身娶土惡方禮女春蓮為妻。在家貪淫,恣惡不改。恨福貧難,屢求別嫁。即今某月某日早起燒爨,開門逃走,概地遍知。今捏殺命匿屍,大冤大屈,情由誣害。切思娶妻圖後,嫁且不忍,即有誤犯,安敢殺死?又 誣沉匿屍骸,家如懸磬,何地可藏?懇乞天台,電燭誣罔,命岳同身緝捕拘獲,免受坑陷。望光上訴。

本縣亦准其詞,不在話下。且說許達聞得方禮、林福兩家告狀,對春蓮曰:「留你在此數日,不想你父母告狀,問夫家取人。 在此不便,尚或尋出,如何是了?不若與你同走他鄉,又作道理。」春蓮聞言應曰:「事不可遲,即宜速行。」遂收拾行李,黑夜 逃走。直至雲南省城住腳,盤費已盡。許達曰:「今日到此,舉目無親,食用欠缺,此事將如之何?」春蓮本是淫女,乃曰:「你 不須以衣食為慮,我若捨身盡你足用。」許達亦不得已,乃從之。春蓮乃妝飾為娼,趁錢度日,改名喚做素娥。一時風流子弟聞得 新來一妓甚美,都來嫖耍,衣食果然充足。當春蓮逃走之後,有耆民呈稱本坊井中有一死人屍首在內。縣尹即令仵作撈屍檢驗,乃 廣東客人游子華之妾也。方禮認為己女,乃抱屍大哭曰:「此係吾女之屍,果被惡婿林福打死,丟匿此井中,今幸得見。」遂稟過 縣尹,哀求拷問。縣尹提林福審曰:「汝將妻子打匿於井中,此事是實。」林福辯曰:「此屍雖係女人,然衣服相貌俱與我妻不 同。我妻年長,此婦年少;我妻身長,此婦身短,安得影射以害小人也?萬望爺爺詳情。」方禮向前哀告曰:「此皆林福抵飾之 言,望爺爺驗傷,便知打死情由。」縣尹一時嚴加刑罰,林福苦楚不過,只得屈服。申院未行成獄。及至歲冬,朝廷差遣刑部郎中 王公各省恤刑,奉勒來到此府。審問林福情由,即知其被誣,乃歎曰:「我奉太皇太后懿旨蘇減冤枉,今觀林福這段事情,甚有可 疑,安得不為之伸理?」遂語大巡魏公曰:「方春蓮既係淫婦,必不肯死。雖遭打罵,亦只潛逃,其被人拐去亦無疑矣。」魏大巡 曰:「縣尹招解甚明,似難改焉。」王郎中乃令手下遍收各處招貼,並諸捕亡字跡。一一查勘,內有一貼,原係廣東客人游子華尋 婦貼子,與死屍衣服狀貌相同,一毫無異。乃拘游子華來證,子華已去弗能拘矣。日夜思想:「林福之冤我明知之,若不為他伸 理,何以為恤刑,何以對天地神明?且辜負太后好生之意也。」夜深之時,乃焚香告司土之神曰:「林福冤枉我明知之,特不能究 出春蓮逃走事情,以此胸中尚狐疑不決。伏望神祗大彰報應,徐徐發露。一則顯我神赫赫之威靈,一則活林福無辜之冤枉,上不負 太后差遣之深意,下不負吾為林福審實求生之誠念。」告祝已畢。次日,發遣人役竟往雲南公幹。承行吏名湯■,竟到雲南省城投 下公文,宿於公館,候領回文。不覺遲延數日,聞得新妓素娥風情出色,姿麗過人,亦往素娥家中嫖耍。仔細看之,卻像林福之妻 春蓮模樣,遂以言挑問之曰:「汝係何處女子,為娼於此?」其婦曰:「我亦良家子女,被夫打罵,受苦不過。一日清早逃出,跟 人至此,衣食欠乏,不得為此以度日也。」湯■曰:「聽你聲音好與我同鄉,看你相貌好似林福妻子,是乎?不是乎?」其婦驚得 滿面紅赤,不敢隱瞞,只得說出前事如此如此,「乃是鄰佑許達帶我來也,望大人回府切勿露出此事。小婦加倍奉承,房錢亦不敢 受。」湯■佯應之曰:「你們只管在此接客,我明日還要來耍。我回家決不露出你的機關。」乃相別而去。回至公館中歎曰:「世 間有此冤枉事乎?林福與我切近鄰舍,今遭重獄。」恨不得即到家中,稱說此事。次日領了回文,作速起程回家,即以春蓮被許達 拐在雲南省城為娼告知林福。林福即具狀告於王減刑台下。王公遂即差人同林福隨湯■徑往雲南省城拘拿春蓮、許達二人還家。王 公鞫問明白,將春蓮當官嫁賣,財禮悉付林福收領。擬許達徒罪,方禮返坐誣告,林福無辜放回。仍給官銀四兩,賞賜湯■。王公 曰:「我叩神明徐徐報知,今果然矣。舉頭三尺有神明,不益信乎!」乃判曰:

審得方氏水性漂流,風情淫蕩。常赴桑間之約,屢徑僕上之行。其夫聞知有污行檢,屢亦打罵,似亦理所宜然矣,夫何頓生逃走之心?不念同食之意,清早開門遇見許達,遂匿他家,縱情淫佚。而許達乃奔走僕夫,負販俗子,投甘言而引尤物,貴麗色而為生涯。將謂覺得愛卿,不願封侯之貴;予知拐騙逃婦,安免徒流之役?方禮不咎閨門之有玷,反咎女婿之弗良。誣以打死,誑以匿屍。妾指他人之斃妾認為親女之傷骸,告殺命而女猶生,告匿屍而女尚在,虛情可誑,實罪難逃。林福領財禮而另娶,湯■受旌賞而奉公。取供存案。

當此之時,林福脫罪。王公明見,遠近百姓聞之莫不甘心悅服。

曹推府斷拐帶女子

建中鄉土輕瘠,風俗淫靡,男女性情從來濫惡。女多私交不以為恥,男多苟合不以為污。居其地者惟欲置衣足食,穿戴齊整華美,不論行檢,卑賤穢惡弗堪,有謠言曰:酒日醉、肉日飽,便是風流稱智巧,一聲齊唱俏郎君,多少■娥爭鬧吵。此言男子輩之淫亂也。又有理語曰:多抹粉,巧調脂。高戴髻,好穿衣。嬌打扮,善支持,幾多人道好娥眉。相看盡是知心友,晝夜何愁東與西。此言女子輩之淫縱也。間有賢邑宰觀風考俗,欲革去其淫污,以成清白,奈習俗之染既深,難以一朝一夕而挽回。能革淫惡之遺蹟,未必能革淫惡之心;能遏其淫亂於一時,未必能遏其淫亂於永久。識者徒鬱鬱而興嗟,終莫能盡掃其淫風而歸於正也。有一富翁楊半泉,生男三人。長曰美甫,次曰善甫,幼曰義甫,俱浮浪不稽,素越理法之外。嘗窺東鄰戚屬於慶塘嬌媳晉仙英顏色十分豔麗,知其心中懊恨夫婿幼小,情慾難遂,日夜憂悶。星前月下,眼去眉來,意在外交,全無忌憚,美甫兄弟三人遂各挑之。既係累世姻婕,又為比鄰密邇,仙英雖無不納,然鍾情則在善甫。慶塘夫婦亦知其情,但以子幼無知,媳婦稍長,欲動情勝,難以防

閒。又念善甫懿戚,瞰近居鄰,若加捉獲,彼此體面大有所傷,彼此恥辱大有所不免,只得含忍模糊,觀之如弗見,聽之如弗聞, 以候其子之長大也。然善甫雖戀仙英,仙英心下殊有所不欲,蓋以善甫雖富厚,錢財雖充盈,儀容雖修飾,但胸中無學術,心上少 經綸,琴棋書畫、吹彈歌舞俱未之諳,難作風流佳婿。縱善甫巧於媚愛,過於奉承,仙英亦難唯諾而已。私通四載餘,一毫真情未 吐。忽於中秋佳節,風清月朗,市人邀集浙西子弟絆戲,慶賞良宵,嬌喉雅韻,上徹雲宵。仙英高玩西樓,更深夜靜,聞得子弟聲 音嘹亮,憑闌側耳,萬分動心,恨不插翹飛入其懷抱也。次夜善甫復會仙英,仙英問曰:「昨宵風月清勝無邊,何遠我而不共登高 樓,親近蟾光,問■娥樂事?」善甫曰:「本欲來相伴,偶有浙人絆戲,父兄親戚大家邀往玩耍,不可私自前來,恐過人齒牙,故 負罪於妝前耳。」仙英回問曰:「夜深時歌喉響徹霄漢者,果為誰乎?」善甫曰:「非他人,乃作正生者唐子良也。其子弟年方二 十二歲,神采丰姿,種種奇拔,相之者皆雲其有貴顯日子,非終身作戲人物也。及問其世家,果係一巨宦子弟,讀書既然成,只為 性好耍樂,故共眾子弟出遊耳。」仙英聞子良為人之詳悉,更加萬分動心。明日乃語其姑曰:「公公大人指日年登六十,花甲一 周,非等閒可比,各處親戚俱來稱觴祝頌,少不得設酒宴賓,少不得子弟絆戲。目今聞得有浙戲在此,善於搬演,善於歌唱,盍用 之,一則與大人慶壽旦,二則歌諸賓盡飲情,切不可錯過此光景。」其姑喜而歎曰:「古人有言『子孝不如媳婦孝』,此言良不虛 也。」遂勸慶塘曰:「人生行樂耳,況值老官人華誕,榮登海屋,添籌鬥星,吐耀凡諸。親友一一皆彩,慶壽必置酒張筵,款待佳 客。難得有好浙戲在此,必須叫到家中做上幾台,固以樂壽,亦以樂賓,何為不可?」慶塘初不肯允,及聞妻室之言再至再三,乃 叫子弟連做二十餘夜。仙英熟視正生唐子良,著實可愛。遂私奔外廳,默攜子良入臥房交合,極盡人間之樂。做戲將畢,先約子良 托故而逃歸。彼時設酒日久,慶塘夫婦日夜照顧,甚勞頓,初不提防,過二日後始知媳婦被人拐去。乃怨恨曰:「拐我媳婦者決非 別人,只是楊善甫這賊子耳。受他許多年欺奸污辱,含忍無奈,今又拐去,不得不告。」乃具狀告曰:

告狀人慶塘,告為虎豪奸拐事。梟惡楊善甫,勢壓鄉閭,橫行滅法。欺男雛儒,稔奸少媳晉仙英。貪淫不已,本月某日夜拐串仙英潛隱遠莊,縱恣情慾。金銀首飾一十八件,綾羅綢緝共計一十五套,罄空被擄。情慘黑天,告乞天台剪惡正倫,追捕仙英,究還財物。弱子有家,奸豪少警。澆瀉頓挽,感激實深。切情上告。

此時曹推府署建中縣印,天性剛明,斷訟神捷,人人咸服。遂准慶塘之狀,即差人拿捉被告楊善甫。善甫慨曰:「老天屈殺我也!晉仙英雖與我平素相愛,今也不知被何人拐去,死生存亡俱未可知,乃平白誣我奸拐,情苦何堪!我必哭訴,方可暴白此冤。」語畢,遂具訴詞,訴於縣曰:

訴狀人楊善甫,訴為蘇冤察誣事。敞俗淫靡,私交擾擾。慶媳仙英恃色食欲,通情甚多。今月某日夜不知何人潛拐密藏,形影難覓。慶懷仇恨,架陷無辜,聳告虛情,計圖慘害,平白栽冤。戴盆無日,苦禍何堪?乞天燭察誣罔,密差應捕追拿仙英,打開冤門,以安良善。懇訴。

曹推府詳看甫訴詞,即慨曰:「私交多年,拐帶或有因矣,安能辭其責?」乃呼善甫而罵之曰:「汝既與仙英私通多年,必知 其心腹事情。今仙英被人拐去,汝亦必知其來故。」甫曰:「仙英相愛者甚多,安可架陷小人拐去?」曹推府曰:「仙英多有情 人,汝可一一報來。」善甫遂報楊廷詔、陳汝昌、王槐庭、王白麓、張大宴、李進有等,一一拘到台下審問。皆云:「仙英交愛之 情不虚,但拐串一節全然不曉。」曹推府即把善甫眾人一一挾起,重敲重打,全無一人肯招。眾口咸云:「仙英本淫婦,水性楊 花,飄蕩無比。不知復從何人逃了,乃將我等一眾來受此苦楚,死在九泉,亦不甘心。」慶塘乃稟曰:「拐小人媳婦者,楊善甫 也,與他人無乾。只是善甫故意放刁,扯眾人打渾耳。」曹推府再審,眾人口詞一遍,皆曰:「仙英與眾通情是真,終不敢妄言善 甫拐帶。總乞爺爺詳察冤情,超活一派無辜。」曹推府聽得眾人言語,思想此獄全然枉屈善甫。且將一干人犯盡行收監。夜至二 更,焚香祝天曰:「晉仙英被人拐去,不知姓名,不見蹤跡。天地神明,鑒照冥冥,宜速報示,庶不冤枉無辜。」祝畢,徐步入西 窗,只聽得讀書聲。仔細聽之乃誦《綢繆》之詩者:「孑兮孑兮,如此良人何?」推府思曰:「此唐風也,但不知是何等人品。」 侵晨起,梳洗出堂,忽聞衙後有人歌曰:戲台上,好生唐。甚滋味?分明良。曹推府恍然悟曰:「必是絆戲子弟姓唐名子良也。」 升堂時,投文僉押既了,取出楊善甫審問曰:「慶塘家曾作戲乎」?甫曰:「然。」「戲子有姓唐者乎?」甫曰:「然。」「唐姓 有名子良者乎?」甫曰:「然。」「子良何處人氏?」甫曰:「衢之龍城人也。」曹推府乃假以劫賊為名,移關衢守宋之仁台下, 曰:近因陣上獲有慣賊強自鳴,板稱龍寇唐子良同行打劫,多年分髒,得美婦一口,金銀財物若干。煩緝拿赴對,以便問結。宋公 接到關文,即急拿子良解送曹公問斷。子良見推府,從直訴曰:「小人原是宦門苗裔,習學儒書有年,只因淡泊,又不能負重,隨 合伙做戲。前在富翁於慶塘家作戲二十餘晚,其媳晉仙英心愛小人,私奔結好,願隨東歸,何嘗為盜?同伙諸人可證。」推府既得 其情,遂收子良入監,復移關文拿仙英來問曰:「汝何不義,背夫逃走?」仙英曰:「小婦人逃走之罪固不能免,但以雛夫稚弱, 情慾弗遂,故喪廉恥,犯此罪愆,萬乞原有。」曹推府呼慶塘父子問曰:「此老無知,兒口尚乳臭,安用此淫婦?無怪其奔逃也。 」慶塘曰:「小人暮年生一子,過愛太多,故早娶媳輔翼孱兒。總乞老爺恩宥。」曹公遂問仙英背夫逃走,當官發賣。唐子良不合 私納淫奔,楊善甫不合稔奸少婦,楊廷沼諸人等俱擬和姦徒罪。慶塘誣告反坐,重加罰贖,以警將來。人人快服。曹公判曰:

審得晉仙英芳姿豔色,美麗過人。穢行淫情,濫惡絕世。恥乳臭之孱夫,養壯色之譎漢。衽席私通,喪名節而不顧;房幃苟合,甘污辱而不辭。在室多情郎,失身已甚;偷情通戲子,背夫尤深。酷貪雲兩之歡,極陷狗彘之辱。依律嫁賣,禮給原夫。子良納淫奔之婦,曷可稱良;善甫恣私奸之情,難以言善。俱擬徒罪,以警淫濫。廷詔諸人,悉係和姦,法條難赦。慶塘一身,宜坐誣告,罰贖嚴加。掃除遍邑之淫風,挽回萬姓之淳化。

周推府申請旌表節

江西瑞州府新昌縣蔣文炳,生子國顯,行年二八。忠厚誠實,勵志儒業,遵父命而無所違,尊長上而無所犯,友兄弟而無所私,信明友而無挾,疇不歆羨此老生此克肖子以昌其後也!共都劉大受聞其美德,乃托冰人說合,以女配焉。文炳一意允承,並不赵趄。擇日過聘,締結朱陳之好,效尤中雀之榮。越四載,大受遣女歸蔣氏之門。侍奉姑舅,孝敬不怠。夫唱婦隨,且也劉氏德性溫雅,舉止端莊,三從秉志,四德立身。夜行以燭,無燭則止。婦道克全,誠女中之堯舜也。未幾一載,其夫沾疾,百藥無效,醫不能痊。劉氏烹調藥餌,朝夕如斯,毫無怨望。如是者一年矣,不幸天奪之深,一旦身亡。劉氏號天慟哭,不進飲食者數日,哀痛慘淡,無所不至。劉氏披麻送葬西郊,七七哀哀泣靈前,聞之者無不寒心,真若杞梁之妻善哭其夫者也。有劉氏之伯翁蔣十六者,大敗人倫,不顧綱常,日逐與弟言曰:「你子今已死矣,媳婦年少,恐難守制。莫若另嫁他人,俾彼終身有倚,你意何如?」弟曰:「汝言正合我意,你弟婦亦是此言。只是媳婦服還未滿。」兄曰:「無妨。」既而依兄之言,乃諭劉氏曰:「汝丈夫死矣,況汝未產有兒女,汝又青年,如何守得?日前有幾起媒人探問,汝伯公已曾曰許,汝心下何如?」劉氏曰:「汝兒不幸棄世,是奴命薄而遭大變,盍不觀諸諺云『鴛鴦失偶,永不重交』,抑且夫死屍骨未冷,服又未除,守制終身是奴本等。況汝二人無人奉侍,媳婦必無可去之理。」見媳守制意堅,無如之奈,於是日逐惡言罵詈,逼勒改嫁。劉氏凜然聽受,不敢半句怨尤,仍然起敬起孝。伯公聞知劉氏心堅乎鐵石,志勵乎冰霜,復唆其弟,今弟婦重加鞭笞,責令改嫁。劉氏受刑不過,服毒身亡。文炳訃聞劉氏之父,大受即至蔣宅,抱棺痛哭一場。大受問其所以然之故,族人曰:「汝令愛乃天生貞節之婦,堅心守制,不肯他適,被姑舅伯公逼勒改嫁。姑又日逐鞭答,因而服毒身亡。」大受見說,潸然淚下,怒氣胸,即具狀告於問推府台下曰:

告狀人劉大受,告為逼死女命事。婿死半年,骨肉未冷,冤遭強梁伯公蔣十六受人財賄,教竣弟婦撤去靈位,將媳鞭笞,逼勒改嫁。媳貞守制,服毒身亡。綱常漶漫,情慘可憐,律法難容,乞天正倫殄惡。哀哀上告。

周公將狀詳看一番,即刻拿文炳、十六一干赴台研究。文炳具狀訴曰:

訴狀人蔣文炳,訴為吁天杜陷事。娶媳劉氏,於歸二年。男病身故,媳繼而亡。殊惡劉大受頓起梟心,欲取媳婦妝奩。身將十

分還七,抑不甘心,聳告爺台,誣身逼勒。乞審杜陷,永感二天。上訴。

周公批日:

劉氏夫死未及一期,獸心姑舅貪財,遂撤靈位,而轄劉氏之改嫁,此綱常中大蠢也。劉氏守制堅貞,可並柏舟自誓,斯亦天生之節婦也。夫何忍心逼劉氏於死地,致貞烈於冥途?是播中國之丑聲,俾夷狄之人笑也。劉氏俟申院候獎,文炳、十六合擬以法, 田得他辭。

按院批日

参得節婦劉氏操履冰霜,矢心天日。烹藥餌以事夫,僅逾一載;夫死堅貞而守制,未及一期。獸心姑舅,貪財逼嫁;貞孀節婦,服毒身亡。靈幃未撤,黑雲夜雨時光;苦志終身,白日青天心事。德全於婦人女子為尤難,節並之義士忠臣為無歉。仰該縣禮房即造新匾,題以「天與完節」四字。官給衣衾棺槨,齎至本宅殯葬。旌表其墓,建立祠字。春秋享祭,以大夫之禮祭之。以示。皇朝崇尚之意,使漓俗還醇,人知興起非小可也。其時文炳、十六罪依的決,以風天下。

彭守道旌表黄烈女

漳州府龍溪縣民黃道,娶妻陳氏,生子東升。繼生一女淑貞,哺四日而陳氏卒,淑貞就乳於姑。父許淑貞事林夔,至三歲時,而父亦死焉。未葬而停柩於家之東房。日就月將,淑貞漸長。僅十五歲,其家業頹敗。林夔惡其貧而別娶富氏女。士大夫家每聞淑貞貧而端美,往求婚焉。淑貞不甘他適,謝絕諸人請婚,自縊於父柩之側,屍立不僕,容色若生。族長鄰里皆往觀焉,知其節烈,令人抬其屍歸葬於林夔家。林夔不納,而返樞於黃宅。但見黑霧蔽空,烏雲罩日,天地因之而震動。有族長黃以德、黃順等,鄰佑張仁、里長萬世豪連名具呈於縣,縣申於府,府申於道。時彭士進任分巡,命府縣旌表烈女,懲戒林夔,批曰:

節烈關係綱常,禮宜旌表;薄惡大壞風俗,法當重懲。龍溪縣黃烈女許事林夔,生才四日,就乳於姑。比及三年父死家貧,林 夔別娶。烈女謝諸人之請婚,縊伊父之柩側。屍立不僕,容色若生。歸殯於林,凶夔不納。畢屍舁回、黑霧蔽空。此乾坤之正氣, 而天地為之震動也。已經題候,明旨旌表。至於林夔娶富嫌貪,不仁不義,宜加懲究,以勵澆俗。

該縣即提林夔,痛責發落。仍行縣造匾,一面書「烈女之門」,喚給伊兄黃東升懸掛;一面書「不義之家」,發釘林夔門首,以昭懲勸。府縣接得倒文,即將林夔重責四十,擬徒五年。遵依造匾二面,差人釘訖。即將林夔解驛加徒,以示勸懲。黃女貞烈,卒獲千年令譽;林夔負義,終遺萬載凶名。此旌一舉,將見僥習可致乎淳風,薄俗可躋乎上理,而人可不勉歟!

王縣尹申請旌表孝婦

江西撫州府臨川縣金街饒國華,娶妻楊氏。夫婦賢孝,父饒喬早故,母徐氏年六十有五,常有微疾。國華許長齋而祈母壽,願 損己壽而益母年。是歲二十二年,因家迫遊學金陵。忽六月內,母疾危吐血,諸醫不痊。國華聞而趨回,哀痛亡生。夫婦日則奉祀 左右,侍衛未嘗離側;夜則陪臥扶持,起倒毫無厭心。楊氏於二十二夜俟夫倦睡,禱天地祝灶神,持小刀鏤開左脅取肝,以手指索 之未得,復拜灶神。才一掬拜而肝自出,以刀割下小片如指大。楊氏遍體麻痛,昏暈於地。灶神撫其背曰:「速起,速起。」遂自 強起,以肝煮湯誘姑食之。夫覺乃與夫言曰:「先割肝煮湯,身體痛不能止,吾即死矣。君不得易吾血衣也,汝好奉姑矣。」國華 備將其事告母,母聞驚怖,遍體冷汗淋漓,而其疾覺愈焉。國華夜往禱神,即於途中遇一神人,化作醫者問曰:「這等夜深往何處 去?」國華以前事告之。神曰:「既如此,我與汝生肌藥未一包,回去敷之即愈。」國華持回,將生肌藥末敷於妻刀口瘡上,須臾 漸安,方得不死。當夜鄰媼知而往觀之。次日,鄰里皆聞,黃童白叟,各個趨視。由是載道,聲稱奇絕異常。是街總甲顏子太、鄰 佑付開等,連名具呈於縣。縣君王永寧即發關外約正副李楠、鄧儕,總甲張淮、張顯等,往其家行查的實,具呈回報。又有族長饒 伯等具呈於縣,縣主猶恐未的,隨委唐典史親造其家勘驗。楊氏不肯出見,自謂:「此特醫吾姑耳,豈有心以干名哉!」眾皆勸 之,久而才許,令夫以被蓋其頭足,僅出瘡口。唐公視之,果見脅間瘡口約三寸許,今漸合矣。唐公見得的實,回報王縣尹。又有 鄉官陳一瀾、舉人傅魁等具呈於縣。縣尹具申文申於府道上司兩院曰:撫州府臨川縣知縣王永寧,申為婦孝奇絕殊常,懇恩轉請旌 獎,以闡幽德,以勵風化事。萬曆二十二年九月二十二日,據兩學生員傅梅、張大化等呈稱前事,內稱教先倫紀,政始閨閫。曹娥 救父之靈,乘潮上下;漢女奉先之故,時潔頻繁。自古淑援皆由政教,汝係臥冰之地,舊稟淳風;今從化雨之滋,益當芳躅。家同 曾閔,俗比湖湘。今有孝子饒國華,義激終天,情深愛日,奉長齋以祈母壽,因母病而誓亡身。妻楊氏念兩口之俱危,捐一身之求 代。聞生肝之彌患,割脅以求。及痛楚之合迷,得神而救;鬼供其爨,醫軫其瘡。姑疾之頓瘳,天恙為之俱泰。鄉間共睹,今古稀 聞。伏乞俯賜勘明,申詳旌表等情。先是二十三日,本縣金街總甲顏於太、鄰佑傅開等呈為地方事,內稱本街鄰人饒國華因母徐氏 病重,華妻楊氏於本月二十二日夜將小刀割開左脅,割肝一片煮羹救姑事,於地方等情。隨據族長饒柏等,呈同前事。內稱有本廂 民人饒喬,有於國華,家貧如洗,遊學金陵。久因母病,長齋祈保。今六月內聞母疾危吐血,醫治不痊,哀痛亡生。其妻楊氏於二 十二日夜俟夫倦睡,禱天祝灶,持小刀鏤開左脅,割肝一指,煎湯與姑飲訖,隨自昏絕。若神人撫背安慰,尋乃漸蘇。當夜鄰媼曾 看,次日童叟趨觀。孝婦異常,敢不呈舉等情。隨該本縣行查,復據南關外約正副李楠、鄧儕、總甲張淮、張顯等與回報事。內稱 各役前往伊家,公同辨驗。其事出自楊氏一點真心,毫無欺偽。先自割肝以手指索之未得,復拜灶神,才一掬拜而肝自出,以刀割 小片如指大。是時楊氏遍體麻痛,昏且絕矣。乃有神撫其背曰:「速起,速起。」婦自強起,以肝煎湯,誘姑食之,乃與夫言前 事。且曰:「吾即死,不得易吾血衣也。汝善視姑耳。」夫乃與母言之,母聞驚悼,遍體汗出而疾遂覺平。國華夜往禱神,即於途 中遇醫,與以生肌之藥。婦遂漸安,亦得不死等情。本縣猶恐未的,隨委典史唐揖視造勘驗,則見其家徒壁立耳。蒙頭足,驗其脅 間,刀口約三寸許,亦漸合,可保無恙矣。又據鄉官劉一瀾、舉人傅魁等復呈前事,內稱婦女之忠孝在父母則易,而孝在姑舅則 難;孝在甘旨則易,而孝在捐軀則難。造廬訪孝,目擊心酸。秉彝好德,令人感慕。欲振風教而傳盛美,題詩旌表似不容已等情。 據此看得,饒國華妻楊氏孝本性成,德符天佑。夫妻齋素,共祈親壽之綿;朝夕供食,全俠女工之給。夫得寬其遊學,親亦保其遐 齡。忽姑疾之臨危,勢將無救;且子情之求殉,甘與從亡。恐傷兩命之摧,不覺五中之裂。執刀割脅,取肝具羹。乍聞恐其過情, 覆勘更彰隱德。委官造室,親夫獻瘡。刃如七而膩舟,膜本藍而膚紫。裡媼呈其餘瀝,爐煙其神明。昏憒再三,猶問醫言之輕重; 血流縷,更呼佛力之回春。氣屢絕而再蘇,瘡始疽而自合。醫有秘方之授,既救媳以存姑;神有急救之聲,復因親而慰子。一誠上 格,三口侯完。邑黨慕義而趨,冠裳萃止;老幼聞風而慨,涕泗來言。救父緹縈,移於姑而更烈;剖心金藏,見於婦而益奇。惟冀 天台申表,樹之恩庶,明人倫閨閣之化。緣係崇獎異孝事理,卑職未敢擅便,合就申詳,為此除備,申撫按兩院外,今備前由具 申,伏乞照詳施行。張知府詳曰:

参看得孝子饒華國母病而長齋祈壽,既篤而死甘身代。孝婦楊氏,始疾而躬親論藥,既危而划脅鏤肝。昏暈廚中,誠格灶神而撫背呼起;夜求神佑,靈應佛力而授付生肌。華國孝心可與先賢並駕,楊氏純行可同孝女齊驂。神力既佑於當時,獎勵宜加於此日。

兩院批曰:

孝誼關乎風化,禮應旌表;婦道係手綱常,分合榮褒。孝子饒華國身代母年,純孝可追上古;孝婦楊氏割肝和藥,全德可振休風。已經題候明旨,合支無礙官銀。立孝坊以旌獎,仍著該府齎匾親送贈以褒揚。饒華國以子職無虧,而率身先雅化,授以冠帶,養母終年。楊氏以婦道有光,而濟隆古高風,賜以粟帛,禮姑高壽。此繳。

張府尹、王縣尹承兩院命下,即委官督建旌教坊,親送匾額,榮給月米、歲帛。是可見皇朝崇孝之典明,而世俗勸善之意彰 矣。

湯縣尹申獎張孝子

江西饒州府鄱陽縣一人姓張名宗德,娶妻吳氏,四十無子。將近五十,幸產一兒,名有化。家業貧薄。越三年宗德捐世,吳氏 守制撫子,家貧不能延師訓誨。及後有化年方二八,忠厚誠實,毫不妄為,惟順母意,或母罵詈,並不回言,或鞭笞,全無怨懟。 吳氏身沾一疾,四肢不能舉動,朝夕臥於牀上。有化朝則問安,晚則問寢,若進湯藥食用之資,每每以雙手奉上,以雙膝跪在牀 前,言曰:「老母請進食。」日日如是,毫無半句怨言,孝敬不怠。時久日給不敷,自己每日止吃一餐,惟知有母,不知有身。日 久如斯,不得已而涕泣跪告於母曰:「家中消乏,日給難度,抑且老母貴體不安,孩兒本不該離膝下,奈勢有不得已也。我權且在 鄰居家去傭工,趲些日工錢來奉養老母,不知老母尊意何如?」母垂淚曰:「我兒,你年小替人傭工,只是虧了你。早晚千萬要回 來看顧我。」有化答曰:「孩兒怎敢遠離?此去不過半里之遙,三時自然歸來侍奉,老母不必掛心。」於是對泣告別,而往鄰居陳 酉家傭工。侵晨備辦食用藥餌之資,跪奉牀前請老母用畢,乃往主人家去上工。日當半午,主人送有點心,係自己分內的,盡數包 歸,跪奉母食,復往田中做工。日午在主人家吃飯己訖,又潛歸家,整頓午飯或湯藥,亦仍然跪奉於母,吃訖,才去上工。夜則歸 歇於家,備辦晚飯,跪奉於母。吃訖,打掃潔淨,安妥,跪告母曰:「兒去歇息。」如是者三年矣。主人見有化為人誠實,事母至 孝,欲與之娶妻。有化辭曰:「多蒙老官厚恩賜我日工,贍養老母足矣,何敢過望?老官又與小子娶妻耶?況且小子家中貧乏,母 又在疾,蒙老官憲度,日逐容小子潛歸奉養母親,小子感恩不淺,今生不能報老官大德,異日當效銜環結草之報。」主人曰:「非 是我望汝報我,我因見汝乃是個孝心之人,感動我意,是故代汝娶妻,以繼其後,豈望報乎?」有化將前事歸告於母,母曰:「有 這樣好人肯替你娶妻乃是美事,我也歡喜。」有化曰:「那老官是個忠厚長者,生平義氣,聞人之惡則掩之,聞人之善則揚之。極 好孝悌忠信之人,最惡奸盜詐偽之輩。那老官見我癡蠢少語,勤謹力田,又憐我母老家貧,故此提挈起我。兒試思之不過替他傭 工,工錢又討歸奉養老母,尚好要他代我娶妻?」母曰:「憑你自家主意。」次日去主人家,主人即問曰:「親事你意下何如?」 有化曰:「蒙老官好意,敢不聽從!我熟思之。決無此理。」化再三苦辭,主人遂而止之,後與化稻子二十餘擔,綿布十數餘疋, 歸家養母。化見主人意專,愧而受之。於是閭里之人欽敬,親戚咸稱:「此子不過一農夫耳,這等孝道,感動得人。」未幾半載, 母病又重,思吃鹿肉。有化即遍求鄉落之間,一時那裡去討?化見母要討吃得緊,又無處去救,遂將自己身上之肉將利刀割下一小 塊。鮮血淋漓,昏悶倒於地上,不醒人事。孝感神明,忽一神人扣其頭曰:「我有藥在此,與汝敷上即愈。」有化漸漸甦醒而起, 見神人將藥敷上。有鄰人名廷桂從外忙來看時,神人隨失矣。廷桂近前但見有化鮮血淋漓,乃問其所以然之故,「莫非適間那不見 之人殺汝乎?」有化微聲言曰:「非也,乃是為母病重思吃鹿肉,山鄉遍求無有,只得將自己之肉割下,以供母食。」廷桂歎曰: 「真孝心之人也!」乃告伊母。母聞驚駭,四肢輟能舉動,疾病遂愈。起而抱化大哭曰:「鹿肉沒有就罷,緣何這等孝心,割肉遺 我!駭得我汗流遍體,心思惶惶。」即托人移化就牀,母問其故:「這刀口上藥是何人敷之?」化欲隱不言,母又再三數問,化不 得不言,乃曰:「我痛倒在地,不醒人事,忽一人扣我頭曰:『我備有好藥在此,為汝敷上即愈』,少刻那人不見。」母曰:「莫 非神仙耶?」移時人來觀之者,各個驚異而歎曰:「有如此孝道之人,真天生者也。」抑過半年,其母又病,服藥無效,救醫不 痊,過半月終於正寢,家貧不能具葬。鄰人親戚見其孝道,俱贈與布帛、錢米與化安葬其母。化不敢受,再三固辭曰:「叨蒙列位 老官看顧,恩莫大矣!抑敢又領列位如此厚賜?決不敢受。」鄰人親戚曰:「我等見汝是個孝心之人,故來相贈。汝可收下,勿卻 我等鄙意。」化見眾人意思殷殷,遂納而受之。即開設道場,追懺母罪。有化廬墓一年,鄰人親戚見其始終孝敬不怠,遂呈於縣 日:

呈狀人廷桂等,呈為懇恩表揚純孝事。鄉有愚民張有化,三歲失父,遺母吳氏。家貧親寡,不能業儒。傭工奉養,孝敬克全。母病幾危,思食鹿肉。遍求無有,割己肉以供奉。孝格天神,使神人而藥救。化幸其命,母病勿藥而愈。伊母捐世,廬墓一年。眾等目擊,世不常有。懇恩旌表,以隆風化。為此具至。

湯縣尹見眾人等具呈,內稱鄉間有此農作之民,能知孝敬,割肉供母,感格神人救蘇,抑母病勿藥而愈,又廬墓一年,遂申一 道申文,申聞上司,請旌其孝德。上司批曰:

参得孝子張有化,事母孝敬,竭力服勞。昏定晨省,奉養嘉隆,割肉驚愈母疾,廬墓更見真誠。於道克全,斯人天地間生者也,合宜旌表。仰該府縣造匾迎送張氏之門,以旌表孝德,以激揚風化。